

**SOL MS MAKHANYA, INHLOKO NELISEKELA LASHANSELA  
INYUVESI YASENINGIZIMU AFRIKA  
UMCIMBI LOSEMTSETFWENI WEKUSAYINA:  
IMEMORANDAMU YEKUVISISANA EMKHATSINI WELIDOLOBHAKATI  
LASEJOZI NETIKHUNGO TEMFUNDVO LEPAKEME  
NGALWESINE, 05 JUNI 2019  
16TH FLOOR, A BLOCK, METROPOLITAN CENTRE,  
158 CIVIC BOULEVARD, BRAAMFONTEIN**

Ngiyabonga, Mphatsi Weluhlelo: Khansela Dkt Valencia Ntombi  
Khumalo (Lilunga Lekomiti yaSodolobha: Temabhizinisi & Nkwabelana  
Kwemisebenti, Lidolobhakati laseJozi)

- Khansela Mnu Herman Mashaba, Sodolobha: Lidolobhakati laseJozi
- Khansela Dkt Mpho Phalatse, Lilunga Lekomiti yaSodolobha:  
Intfutuko Yetemphilo & Tenhlalo, CoJ
- Solwati Tshilidzi Marwala, Lisekela Lashansela & Inhloko: University  
of Johannesburg
- Solswati Adam Habib, Lisekela Lashansela & Inhloko: University of  
the Witwatersrand
- Mnu Jan Erasmus, Libamba Lenhloko Yelicembu: Licembu



Lendlelamasu Enchubomgomo Nekubambisana & Budlelwano,  
Lidolobhakati LaseJozi

- Dkt Ndivhoniswani Lukhwareni, Umphatsi Welidolobhakati:  
Lidolobhakati LaseJozi
- Balingani base-Unisa nebalingani betikhungo tabozakwethu
- Tivakashi letikhetsekile, bekunene

Ngiyati kutsi ngikhuluma egameni leMkhandlu wase-Unisa, Sigungu Sekuphatsa, basebenti, bafundzi nelabo lababandzakanyekako uma ngitsi ngiyajabula kuba yincenye yaleMoU lebalulekile.

I-Unisa sevele isayine iMoU lafanako neMasipala waseTshwane kantsi sijabule kakhulu kunabisa lokubambisana lokufaka Lidolobhakati LaseJozi, nemanuyesi langubozakwethu labahloniphekile i-UJ neWits. LeMoU iveta indlelamusa yekubambisana lebonakalako nekwabelana kutibophelela ekwandziseni lenhlakanipho leyimbumbwe ngekwetimali, lwati, tinsita, emakhono nekutfufukisa imibono yetfu leyehlukahlukene nendlelamasu nekungenelela ekusebenteni. Lokubambisana kutawukuzuzisa wonkhe umuntfu, uma kuhlolwa kuphindze kusetjentiswe ngalokuphelele, kunematfuba ekuletsa imiphumela lenemandla lehamba libanga lelidze ebafundzini betfu netakhamuti taseJozi. Ngekwembono wami , loku kukhomjiswa mbamba kwebuntfu/botho. Kuba ngumlingo lowentekako uma bantfu basebenta ndzawonye ngenjongo lefanako basebentela buhle – kungakhatsaliseki



kutsi bayiphi inhlangotho yepolitiki noma i-ajenda yanome nguyuphi umbono.

Ngako, lokukhulumisana ngale MoU kubaluleke ngetizafu letintsafu. Kwekucala, ingukukhombisa kubambisana lokusebentako nalokuphatsekako lokungenteka nalokunelilukuluku lelilinganisele nome imincele, lapho kunekhombisa kutinikela lokungiko mbamba kwetfu – kokubili eveni lonkhe nasevenikatini– ekuvuseleleni kwe (Ningizimu) Afrika yetfu. Ngisho loku ngoba sekuya ngekucaca kutsi uma sifuna kukhula, kutawudzingeka sinakekele siphindze sinabise tonkhe tinsita lesinato sisonkhe, sibe basungile bekukhula kwetfu. Sonkhe sinemtfwalo wemfanelo.

Kwesibili, kubambisana lokunjengaloku, kukhombisa kujabula kwetfu nekutibophelela lokujulile nekutimisela kwetfu kuba neligalelo lelivakalo kulengucuko lesifuna kuyibona etimphilweni tetfu, kantsi ngale kwaloko, imiphakatsi yetfu NeLivekati letfu.

Kantsi kwesitsafu, njengemanyuvesi kulesigodzi, sinesifiso sekubona lesigodzi siphumelela sikhula kuto tonkhe letincenye letikhetsekile letiyimfica lephawulwe kule MoU. Mnu Sodolobha, impumelelo yakho impumelelo yetfu kusimama kwakho kukusimama kwetfu. Lamanyuvesi lamatsafu emkhatsini wawo anesilulu lesisezingeni leliphakeme, nelikhono lekuhlakanipha



lokuphakeme lokungazuzwa kulo bese kwenabela etincenyeni  
letibanti temikhakha nemakhono kute kusekelwe loko lokumele  
kucalwe ngako nemibono netindlelomasu tetikhungo. Sitawudlala  
indzima yetfu.

Angingabati kutsi lokusebambisana kutawuzuzisa sonkhe, futsi  
ngiyetsemba kutsi lobudlelwano lesibenta namuhla butawukhula  
butfutfuke buchubeke buzuzisa bantfu betfu ngalokuhlangene  
etinyangeni neseminyakeni letako.

Ngiyabonga!

